

## L Ö G

um aðild Íslands að samningi um stofnun aðstoðarsjóðs á vegum  
Efnahags- og framfarastofnunarinnar.

FORSETI ÍSLANDS

*gjörir kunnugt:* Alþingi hefur fallist á lög þessi og ég staðfest þau með samþykki mínu:

## 1. gr.

Ríkisstjórninni skal heimilt að fullgilda fyrir Íslands hönd samning, dags. 9. apríl 1975, um stofnun aðstoðarsjóðs — Financial Support Fund — á vegum Efnahags- og framfarastofnunarinnar (OECD).

## 2. gr.

Viðskiptaráðherra skipar fulltrúa Íslands í stjórn sjóðsins og annan til vara.

## 3. gr.

Ríkisstjórninni heimilast að ábyrgjast hluta Íslands í skuldbindingum sjóðsins allt að jafnvirði 25 milljóna dollara og að taka lán úr sjóðnum allt að sömu fjárhæð.

## 4. gr.

Lög þessi öðlast þegar gildi.

*Gjört í Reykjavík, 6. maí 1976.*

**Kristján Eldjárn.**

(L. S.)

*Ólafur Jóhannesson.*

12. maí 1976.

Nr. 26.

## L Ö G

um heimild fyrir ríkisstjórnina til þess að fullgilda fyrir Íslands hönd samning  
Danmerkur, Finnlands, Íslands, Noregs og Svíþjóðar,  
um stofnun Norræna fjárfestingarbankans.

## 1. gr.

Ríkisstjórninni er heimilt fyrir Íslands hönd að fullgilda samning um stofnun Norræna fjárfestingarbankans milli Danmerkur, Finnlands, Íslands, Noregs og Svíþjóðar, sem undirritaður var í Kaupmannahöfn 4. desember 1975 og prentaður er sem fylgiskjal I með lögum þessum.

## 2. gr.

Þegar samningur sá, er um ræðir í 1. gr., hefur verið fullgiltur, skulu ákvæði hans hafa lagagildi hér á landi.

## 3. gr.

Lög þessi öðlast þegar gildi.

*Gjört í Reykjavík, 12. maí 1976.*

**Kristján Eldjárn.**

(L. S.)

*Geir Hallgrímsson.*